



Publicaziuns officialas dils 06-07-2018

Damonda da baghegiar posteriura

Nr. 69/2018

Datum da publicaziun: 06-07-2018
Patrun: Müller René, 7172 Rabius
Liug e parcella: Igniu; 5240
Object: Plaz da seser

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 59/2018

Patricia Bearth e Manuela Bearth, 7130 Glion / 7163 Danis; lavurs da manteniment vid il tetg e las fatschadas dil baghetg nr. 669 sin parcella nr. 4234 a Cumpadials-Lag Petschen.

Nr. 61/2018

Matthias Gallati e Yvonne Kind Gallati, 8700 Küsnacht; remplazzament dallas plattas dil plaz da seser sin parcella nr. 3088 a Cumpadials-Cantun.

Nr. 62/2018

Urban Carigiet, 7175 Sumvitg; lavurs da manteniment vid il tetg, las fatschadas, ils barcuns ed ils posts finiastra dil baghetg nr. 52 sin parcella nr. 1118 a Sumvitg-Casep.

Nr. 66/2018

Vitus ed Irma Collenberg, 7176 Cumpadials, nova cuvrida da catram dil parcadi dil baghetg nr. 137 sin parcella nr. 3168 a Cumpadials-Via Vitg.

Nr. 67/2018

Bruno Wellinger, 7151 Schluein, sanaziun dalla seiv sin parcella nr. 4297 a Surrein-Bogn Tenigia.

Nr. 68/2018

Werner Degonda, 7176 Cumpadials, reconstrucziun dil mir existent sin parcella nr. 3135 a Cumpadials-Caharli.

Nr. 70/2018

Vischnaunca Sumvitg, 7175 Sumvitg, catramar plaz sper via sin parcella nr. 1783 a Sumvitg-Quadras Su.

Nr. 72/2018

Repower SA, 7742 Poschiavo, cabina da distribuziun sin parcella nr. 5239 a Rabius-Igniu.

Serrada dalla Via Curtinatsch a Cumpadials

Muort lavurs da sanaziun vid las lingias sutterranas dalla reit electrica sin la parcella nr. 3187, sto la Via Curtinatsch a Cumpadials vegnir serrada naven da **gliendisdis, ils 9 da fenadur allas 7.00 tochen venderdis, ils 13 da fenadur allas 18.00** per tut il traffic. Quei pertucca il tschancun naven dalla cruschada cun la via cantunala (Pensiun Degonda) tochen tier il baghetg nr. 130. La via resta era serrada duront la notg. Vischinas e vischins da Curtinatsch han access sur Surrein. Nus supplichein da prender enconuschientscha da quest avis ed engraziein cordialmein per Vossa capientscha.

Sumvitg, 06-07-2018

*Departament da traffic
Bearth Giusep, genau responsabel*

Meisa da miezdi (gentar communabel) dalla Pro Senectute a Cumpadials

La Pro Senectute Surselva organisescha ensemen cun Nadja Scolieri ell'«Ustria dalla staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia e dar in scart troccas ni auters giugs.

Liug: «Ustria dalla staziun», 7176 Cumpadials

Datum: **venderdis, ils 13 da fenadur 2018 allas 12.00**

Annunzias: Ein da far entochen mesjamna sera tier «Ustria dalla staziun», Cumpadials

Tel. 081 943 19 22

Engraziel fetg e cordials salids *Pro Senectute Grischun*